

CINNABARIS FACTITIA.

R. Florum Sulphuris, libram semissim.
adde Liquefiant in patellâ terreâ super carbonibus. Statim
Mercurii ex corio depluentis, libram unam cum dimidiâ.
Agita perpetuò spathâ ferreâ, donec ambo coeant &
mercurius penitus fiat inconspicuus. Maſlam hanc pulvera-
tam in mortario vitro, sublima in vase idoneo igne aperto
per gradus aucto. Sublimationem semel & iterum repeate.



MAGISTERIA.

MAGISTERIUM SULPHURIS.

R. Florum Sulphuris, uncias quatuor.
Salis Tartari, uncias duodecim.
Mixta inde fictili vitrato. Affunde
Aquæ puræ, libras octo.
Vase cooperto bulliant, donec liquor rubescat. Solutionem
filtra. Instilla acetum distillatum, & fiat Lac Sulphuris. Stet,
præcepis agetur pulvis albus, liquorem limpidum decanta.
Magisterium hinc emergens aquâ purâ multoties clue, & in
umbrâ exsicca. Quod etiam Lac Sulphuris dicitur.

SULPHUR AURATUM ANTIMONII.

R. Scorias Reguli simplicis Antimonii.
Coque in aquâ uberrimâ per semihoram. Filtra. Co-
laturæ instilla acetum, & præcipitabitur Sulphur Auratum,
quod pluries abluendum est.

Gg iij.

RESINA JALAPÆ.

R. Jalapæ contusæ, libram unam.
Spiritū vini rectificati, libras tres.

Digere ex arenâ per viginti-quatuor horas. Filtra. Superficii materiæ novum affunde spiritum vini. Digere ut suprà. Filtra. Repete, donec nullo colore tinctus spiritus vini extrahatur. Tincturæ misceantur. Vaporent ad medias. Inde in aquam frigidam projicientur. Lactescet mixtura, & præceps fiet Magisterium. Liquorem deganta. Magisterium aquâ ablue multoties. Exsicca & serva.

Simili modo parantur

Resinæ Agarici,	Guayaci,
Colocinthidos,	Ligni Aloës,
Scammonii,	Zedoariæ,
Turpethi,	Ladani, &c.
Mechoacan,	

MERCURIUS PRÆCIPITATUS ALBUS.

R. Mercurii è Cinnabari redivivi, uncias quatuor.
Spiritū Nitri, uncias sex vel sufficientem quantitatem.

Mercurium mitte in matratum. Affunde Spiritum Nitri. Absolutâ dissolutione

R. Aquæ communis, libram unam.
Salis marini, uncias duas.

Filtra. Hanc affunde dissolutioni Mercúrii, fiet præcipitatio, cui ut absolvatur adde

Aquæ communis, libram unam.
Præcipitato Mercurio in pulverem album, liquorem decanta, repetitis ex aquâ purâ lotionibus pulvereim edulca in umbrâ siccandum.

PRÆCIPITATUS RUBER.

R Mercurii è Cinnabari redivivi, libram unam.
Spiritū Nitri, uncias octodecim vel
quantitatem sufficientem.

Mitte in matratum. Arenæ tepenti impone. Dissolutione
peractâ fiat evaporatio ad siccitatem. Carbonibus vivis mate-
riam calcina ad rubedinem intensam. Exime & serva.

ARCANUM CORALLINUM.

R Mercurii præcipitati rubri, quantum vis.
Calcina in matratio per aliquot horas, dum matratum
excandescat. Remove ab igne. Materiæ pulveratæ affunde spi-
ritum vini rectificatum ad eminentiam transversi digiti. Ac-
cende. Hæc sepius repete, sicut singulis vicibus spiritus vini
ad siccitatem deflagret.

MERCURIUS PRÆCIPITATUS FLAVUS,
SEU TURPETHUM MINERALE.

R Mercurii è Cinnabari rediyivi, uncias duas.
Olei Vitrioli rectificati, uncias sex.
Mercurium mitte in retortam. Affunde oleum Vittioli. Vas
impone igni arenæ, dum bulliat liquor; peractâ dissolutione
vaporet ad siccitatem, aucto igne. Materiam exemptam tere
in mortario vitro, tritam conjice in aquam calentem. Præ-
cipitatum pulverem flavum aquæ lotionibus repetitis edulca,
sicca & serva.

MERCURIUS PRÆCIPITATUS VIRIDIS.

R Mercurii è Cinnabari redivivi, uncias duas.
Cupri limaturæ, semiunciam.
Seorsim dissolve in
Aqua fortis; quantitate sufficienti.

RFGN

Dissolutionibus mixtis abstrahe aquam fortē. Igne auctō materiam calcinā. Exemptam & pulveratam in aceto distillato digere igne arenā per unum & alterū diem. Ultimō bulliat acetum per unam circiter horam. Filtra. Materiæ superstīti novum acetum distillatum adde. Digere ut suprà & filtra. Liquores filtrati mixti vaporent ad mellaginis consistentiam, quā refrigescendo indurata in vale vitreo clausa servabitur.

MERCURIUS PRÆCIPITATUS PER SE.

R. Mercurii è Cinnabari redivivi , quantum vis. Inde pluribus ampullis fundo planis eā quantitate ut unius cujusque ampullæ fundus tantummodo obtegatur. Ex arenā digere, igne sensim per gradus auctō per mensē & ultra , dum veluti bulliat , & pūlverem subruberum obtainueris. In mercurium superstitem , superiorem processum repete , donec omnis Mercurius in pulverem rubicundum abierit.

PULVIS ALGAROTH,
SEU MERCURIUS VITÆ.

R. Butyri Antimonij rectificati ; quantum vis. Affunde Aquæ repentis , quantitatē sufficientem. Præcipitabitur pulvis albus qui impropriè Mercurius vitæ dicitur , alterā aquā pluries edulcandus , tum siccandus.

MAGISTERIUM ET SAL CORALLIORUM.

Vide *SAL ET MAGISTERIUM CORALLIORUM.*



REGULI